

淨土十要附本二
明廣貴法師輯

蓮華世界詩

臺中蓮社
印行

淨土十要附本二
明廣貴法師輯

蓮華世界詩

臺中蓮社
印行

蓮華世界詩

※量無德功・印翻迎歡※

中華民國八十四年夏曆四月八日
釋迦牟尼佛誕辰紀念日

竭誠恭印壹仟部結緣 (贈送品)

印贈者：黃啓瑞先生獎學金基金會

住址：臺北市安和路一段一七巷二號二樓

印行者：臺中蓮社

住址：臺中市民生路九巷卅二號
電話：(〇四)二二三七三七・二二五一九一二

出版社：青蓮出版社

出版登記：局版臺業字第〇一二三號
住址：臺中市民生路九巷三十號

流通者：明倫月刊社

住址：臺中市民生路九巷三十號
電話：(〇四)二二六〇一七三

承印者：廣益印書局

住址：臺中市北屯路二九六號
電話：(〇四)二三三五七二・二三三五六八七

淨土十要目錄

序 四篇

淨土十要第一

阿彌陀經要解

附、無量壽經四十八願

淨土十要第二

往生淨土懺願儀

往生淨土決疑行願二門

淨土十要第三

觀無量壽佛經初心三昧門

阿彌陀經行願儀

淨土十要第四

淨土十疑論

附、法照傳

附、慧日傳

附、蓮華勝會錄文

附、淨業禮懺儀序

淨土十要第五

念佛三昧寶王論

淨土十要第六

淨土或問

一

一三

六六

七七

九七

一一

一一

一三

一三

一五

一五

一六

一六

二〇七

淨土十要第七

西齋淨土詩

二五一

附、蓮池答曹魯川書

二八六

附、藕益開示法語二則

三〇一

淨土十要第八

寶王三昧念佛直指

三〇五

附、破妄念佛說

四〇三

淨土十要第九

淨土生無生論

四〇九

附、續淨土生無生論

四二三

淨土法語

四三九

附、省庵勸發菩提心文

四四七

附、圓觀等九人傳

四五七

淨土十要第十

西方合論

四六七

附、徹悟語錄

六〇一

淨土十要附本

往生論註

六七七

蓮華世界詩

七八一

附、勸修淨土詩

八五五

蓮華世界詩序

明雲棲會下妙意庵廣貴撰

佛言諸佛如來。是法界身。則徧法界身。是阿彌陀佛。何淨何穢。何樂何苦。然淨度三昧經有云。人生一念受一身。百念受百身。千念受千身。一日一夜。種生死根。後當受八億五千萬雜類之身。百年中所造魂神。逐種受苦。徧大千刹土。體骨皮毛。亦徧大千刹土。當其皮毛齒角。森然變現時。豈復能知徧法界異類身。是阿彌陀佛。當其鞭笞雨下。屠割奏刀時。豈復能知徧法界受苦異類身。是阿彌陀佛。當其鼎烹刀鋸。犁耕火炙時。豈復能知徧法界餓鬼地獄受苦身。是阿彌陀佛。豈唯是。卽儼然而人。當其苦難忽逢。刀兵乍逼。爾時卽不能知我輩苦難身。是阿彌陀佛。豈唯是。卽快然而得意。五欲自娛。榮華滿志。爾時卽不能知我輩受享身。是阿彌陀佛。夫人世間在順在逆。尙不能知此身。是阿彌陀佛。何況風刀解體。八苦交煎之際。何況改頭換面。羽毛骨角之儔。何況焰口鍼喉。鑊湯洋銅之日。然後不知我身。是阿彌陀佛哉。金剛上

味經載文殊師利言。一切凡夫以自繫縛。故見地獄相。雖非實有。而令受者受苦。譬如夢中見身墮地獄。萬火所燒。擲入鑊湯。彼人夢中吼言極苦。若知是夢虛妄不實。身心得安。所以法苑云。觀罪性空者。罪從心生。心若可得。罪不可無。今塵世中心空者。幾人。夢破者。幾人。所以如來教人念一句阿彌陀佛。正攝其百念千念八億五千萬雜念於一念。念至一念不起。自然證見阿彌陀佛。然後知一念百念千念八億五千萬雜念皆阿彌陀佛之念。然後知一身百身千身八億五千萬雜類之身皆阿彌陀佛之身。然後知畜生餓鬼地獄皆阿彌陀佛之法界。然則經云。一聲阿彌陀佛。滅八十億劫生死重罪。豈不深切著明矣哉。故知一聲阿彌陀佛。正是證明無淨無穢之淨土。證明無苦無樂之極樂。正是空其心之丹藥。正是大夢中之霹靂也。無奈我輩明知是夢。卻又尋夢。明知是夢。引我入鐵圍山。卻又迷昧故鄉道路。豈可不用過來人語。招之策之。掖之涵濡之。孔子曰。興於詩。立於禮。成於樂。三者唯立禮爲堅定之力耳。而興詩成樂。則始終皆以韻事發其歡喜。豁其扞格。所以淨土光中。不但如

來所出音聲皆演妙法。其摩尼水流注華間。其聲皆演說苦空無常無我諸波羅蜜。讚歎諸佛相好。如意珠王湧出金光。化爲百寶色鳥。和鳴哀雅。常讚念佛念法念僧。樓閣中諸天作天技樂。又樂器懸空。不鼓自鳴。其衆音中皆說念佛念法念比丘僧。總之。水流光明。及諸寶樹。鳬雁鴛鴦。皆說妙法。所以行者出定入定皆聞妙法。夫坐蓮華上者。猶藉此音聲以增其進。況其未到蓮池者乎。小傳載張子房在漢軍中。項兵雖挫。猶自相持。子房乃教軍中作楚歌。使楚人懷鄉。而漢事遂成。可見聲音一道。可以補攻取之不及。昔賢淨土之詠。卽子房之還鄉曲也。試看詠淨土者。多出于宗門之知識。其殆佛門之子房也哉。

蓮華世界詩目錄

如來弘願第一

一元 三首

中峯 二首

妙意 三首

苦勸迴轡第二

跋陀羅 一首

迦哩迦 一首

半託迦 一首

善導 一首

龐公 一首

貫休 一首

慈受 二首

沖默 一首

北山 二首

一元 四首

中峯 二十二首

石屋 一首

無名 一首

優曇 六首

廣製 一首

白雲 二首

楚石 六首

度門 一首

雪嶠 一首

妙意 五首

蓮隱 二首

增入

翻然嚮往第三

謝靈運 一首

白香山 一首

李商隱 一首

蘇子瞻 二首

長蘆 一首

優曇 三首

楚石 一首

雪嶠 二首

嵒愚 三首

沈朗倩 一首

蓮隱一首
增入

一意西馳第四

大智一首

檀庵二首

雪溪九首

北山一首

中峯九首

日觀九首

楚石五首

笑巖四首

古溪二首

崑愚一首

晦夫一首

丁蓮侶一首

沈朗倩二首

執持名號第五

白香山一首

北山七首

一元二首

古音一首

中峯三首

優曇八首

楚石二首

蓮池三首

雪嶠一首

失名一首

頂目二首

沈朗倩四首

妙意二首

蓮隱二首
增入

聖境現前第六

阿氏多一首

李青蓮一首

延壽一首

蘿月一首

北山六首

中峯二首

楚石十三首

古溪二首

博山三首

沈朗倩一首

妙意 十四首

蓮隱 一首
增入

發明心地第七

慈受 一首

一元 五首

草庵 一首

中峯 三十二首

優曇 二十八首

楚石 七首

達觀 二首

雪嶠 一首

博山 十一首

耑愚 十八首

晦夫 二首

萍蹤 一首

沈朗倩 一首

妙意 十三首

蓮隱 一首
增入

華開見佛第八

仙潭 二首

一行 一首

北山 五首

博山 三首

妙意 五首

廣度衆生第九

陳如如 一首

丁注 一首

優曇 八首

楚石 四首

博山 一首

續刻蓮華世界詩

蕩益 十六首

附省庵勸修淨土詩 百八首

蓮華世界詩

明雲棲會下妙意庵廣貴輯

如來弘願第一

悲華經載。往昔因中。阿彌陀佛爲轉輪王。釋迦佛爲大臣。同於寶藏佛所發弘誓願。輪王願於清淨安樂世界。攝受衆生。大臣願於五濁苦惱世界。度脫衆生。以此君臣弘願無窮無盡。所以二如來爲兄弟沙彌時。同以法華教度衆生。而三乘授道之外。有度未盡者。度在彌陀。故出此淨土一門。一推一挽。共成道化。以故釋迦佛四十九年說大乘經中。恆歸宿此一門。而會上單拈淨土一門者。尤諄諄不已。卽如世間朝夕所誦一卷彌陀經。文句簡約。然一則曰。衆生聞者。應當發願。願生彼國。再則曰。衆生聞是說者。應當發願。生彼國土。而又曰。若有信者。應當發願。生彼國土。其言極樂國土成就如是功德莊嚴者。一見。二見。三見。四見。其言汝等衆生。當信是不可思議功德一切諸佛所護念經。秦譯六見。至唐譯十方佛讚歎後。

則十見之。而又曰。汝等皆當信受我語。及諸佛所說。味其語氣。恨不將此數語充滿一切衆生之耳。恨不將此數語鑽入衆生之肺腸。愛何其切。慮何其深。悲何其至。卽父母於至愛之子。晨夕付囑。亦未必如此之惓切也。何以故。蓋世間父母付囑子孫。不過望其成家立業已耳。至於如來見衆生不入此門。必墮鑊湯鼎沸之中。得失匪細。則衆生不念佛。悲安得不深。衆生念佛。自然攝取不舍。論云。譬如魚子。母若不念。子則爛壞。佛若不念衆生。善根亦壞。所以無量壽經言。當來之世。經道滅盡。我以慈愍。特留此經。更住百歲。又云。此經滅後。佛法全無。但留阿彌陀佛四字名號。救苦衆生。世上君臣兄弟。能以淨土相成。設化衆生。皆是從彌陀釋迦弘願中流出。

西方詠

明一元

西方化主度迷情。佛力加持道易成。撒手便行無異路。最初一步要分明。西方只要辦心堅。努力勤修速向前。順水行船加艣棹。導師接引願繩牽。

西方今古鎮長存。慈父哀憐度子孫。八萬四千門路別。彌陀一句衆稱尊。

懷淨土

元中峯

萬池無日不華開。四色光明映寶臺。金臂遙伸垂念切。衆生何事不思來。動地驚天勤念佛。槌門打戶勸修行。問渠因甚忙如此。只怕衆生入火坑。

頌以無緣慈攝受衆生

明妙意

梅花落盡杏花開。豈是春風著意吹。一氣不言含有象。萬靈何處謝無私。

頌一一光明徧照十方世界念佛衆生攝取不捨

寂光影裏現全身。徧界光明迴出倫。浪煖桃花魚憶子。無緣慈度有緣人。一點悲心擘不開。鑊湯滾處笑盈腮。希奇之事朕深信。現與君王說法來。

苦勸迴轍第二

佛言。得人身者如指上土。失人身者如地上土。雖信佛語。未知其故。至讀楞嚴經。言一切衆生六識造業。所招惡報從六根出。惡業圓造者。入阿鼻。六根各造兼境。

兼根者入無閒身口意三作殺盜淫入十八獄。三業不兼者入三十六獄。一根單犯者入一百八獄。地獄中歷劫燒然罪畢方受鬼形。鬼業既盡方與世間元負人怨對相值。爲畜生以酬宿債。三途縣遠如此。至較量壽命經所載地獄壽命活地獄一晝夜。比較人間算數一萬六千二百俱胝年。獄愈進時愈久。地獄一道壽命之長又如此。則善知識所言一失人身萬劫難與出得頭來是幾時之語。豈非剗心剖腸痛哭流涕之言也哉。今世上人求其六根清淨不犯一業者幾人。則茫茫塵世大抵皆地獄之因耳。求其爲餓鬼畜生尙不能得。豈可不寒心哉。楞嚴中載畜生中業報用錢役力償足自停。若殺身命或食其肉。經微塵劫相食相誅。互爲高下。無有休息。食肉之轉徙又如此。然則我輩此一副面孔。一旦失之。復在何年。凡此等之苦。我輩凡眼不能自見。唯如來悉知悉見。安得不惓惓切切。千言萬語。苦口向人。可憐平日不念佛之人。在地獄苦難之中。亦不能念佛。近有活閻羅王教地獄人念佛。但能念一句阿彌陀佛。卽與出獄。而口噤不能吐一佛字。不信心

之障重如此。大智度論云。有諸菩薩。自念謗大般若。身墮惡道。歷無量劫。雖修餘行。不能滅罪。後遇善知識。教令念阿彌陀佛。乃得滅障。超生淨土。然則吾輩業海中衆生。除卻一句阿彌陀佛。更從何處覓生活。

警世

晉跋陀羅

不結良因與善緣。苦貪名利日憂煎。豈知住世金銀寶。借汝權看數十年。

警世

晉迦哩迦

愛欲牽纏沒了期。日生煩惱鎖相隨。官中囹圄猶存赦。家業拘牽沒赦時。

警世

晉半託迦

地水火風化此身。身滅四大各歸真。諸魔六賊皆消散。苦樂前程祇主人。

勸念佛偈

唐善導

漸漸雞皮鶴髮。看看行步龍鍾。假饒金玉滿堂。難免衰殘老病。任汝百般快樂。無常終是到來。唯有徑路修行。但念阿彌陀佛。

古詩

唐龐公

一年復一年。務在且遷延。皮皺顏色減。髮白髓枯乾。毛孔通風過。骨消椽梠寬。水微不耐熱。火少不忍寒。幻身如聚沫。四大亦非堅。更被癡狼使。無明曉夜煎。唯知念水草。心神被物纏。云何不懺悔。便道捨財錢。外頭遮曲語。望得免前愆。地獄應無事。準擬得生天。世間有這屬。冥道不如然。除非不作業。當拔罪根源。根空塵不實。內外絕因緣。積罪如山嶽。慧火一時燃。須臾變灰燼。永劫更無烟。

觀地獄圖

唐貫休

峨峨非劍閣。有樹豈堪攀。佛手遮不得。人心似等閒。周王應未雪。白起作何顏。盡日空彈指。忙忙塵世間。

警世

宋慈受

漁者不能獵。獵者不能漁。貴人錢爲網。水陸皆可圖。畜生肉嘗徧。諸佛心轉疎。黃泉途路滑。失腳恐難扶。